



Grupo Rímiko: Orírí
Elia Isenia & Furgell Wijngaarden
Roysten Hato

Mira e rant di mi sombré pa bo sa ken mi ta

Fugell Wijngaarden

Koro: Mira e rant di mi sombré pa bo sa ta ken mi ta

Zjambatí mi ta shonnan nunca ma entregá

Koro: Mira e rant di mi sombré pa bo sa ta ken mi ta

Ku garoti den mi man kita rama seku pa nos ban

Koro: Mira e rant di mi sombré pa bo sa ta ken mi ta

Es ku pasa ta pasa tantu be m'a tah ku palu **Koro: Ta'h ku palu ta'h ku palu ta'h!**

Pa bisa tur mansebu ku nan tin ku para leu

Tor'i manzinga mi ta úniko baron di mi mama stimá

Mi tin e yabi yowatina

Koro: Ankrá den mi kurason

Historia a hiba mi pone mi bati pia abou

P'ami sali na defenza p'é kultura di Kòrsou

Tradishon lubidá di dos bas den weg'i palu

Wichi ku pedritu mi t'ei saka boso kara

Awe den nòmber di seú

Koro: Sado sado

Bèk bèk

Toro bo ke mas

Bin tuma

Koro: Mira e rant di mi sombré pa bo sa ta ken mi ta

Zjambatí mi ta shonnan nunca ma entregá



Koro: Mira e rant di mi sombré pa bo sa ta ken mi ta
Si sumpiña hinka rei na pi'e vitó mé ta sak'é

Koro: Mira e rant di mi sombré pa bo sa ta ken mi ta
Ku garoti den mi man kita rama seku pa nos ban

Koro: Mira e rant di mi sombré pa bo sa ta ken mi ta

Tata grandi protegá mi
Kura yaga kita beu
Mi garoti lo guiá mi

Koro: Pa shimaron keda leu

Zjambatí mi ta
Ya m'a kustumá

Koro: Zjambati mi ta

Kana kaminda largu
Ya m'a kustumá
Protektor di mi kunuku
Ma bebe aw'i riu
Kome na bragas
Ma kanta na barí
Mi mé ta Zjambatí
Harmadó di sakadó
Defensor i luchadó
Brasadó di mi kultura

K'e garoti den mi man
Ban pone mansebu para leu

**Koro: Sado, sado
Bèk, bèk
Toro bo ke mas**



Harmadó di sakadó
Defensor i luchadó
Brasadó di mi kultura
K'e garoti den mi man

Ekspresshon i palabra nan arkaiko

Mira e rant di mi sombré pa bo sa ta ken mi ta: M'a logra ku perseverensia i determinashon.

Zjambatí mi ta: Mi a kustumá

Es ku pasa ta pasa: Un bisá den weg'i palu

Manzinga: E toro mas bieu i alerta pa tur kos

Mansebu: E Toro mas yòn ku ke konkistá e forsa di e manzinga

Yabi di yowatina: Yabi di kunuku

Wichi Bartholomeus ku Pedritu Leitu: Dos bas den wega di palu

Sado, sado: Bèk, bèk

Si sumpiña hinka rei na pi'e vito mes ta sak'é: Hustu ta paga pa pekadó

Bebe awa di riu, kome na bragas: Mi ta un homber fuerte i salú

Ta'h ku palu: Ekspresshon den wega di palu